

**POSEBNI ODJEL ZA RATNE ZLOČINE**

**Broj: T20 0 KTRZ 003298 05**

**Sarajevo, 12.07.2022. godine**

**SUD  
BOSNE I HERCEGOVINE  
SARAJEVO  
-Sudiji za prethodno saslušanje-**

Na osnovu odredbe člana 35. stav 2. tačka i) i odredbe člana 226. stav 1. Zakona o krivičnom postupku Bosne i Hercegovine, podižem

**OPTUŽNICU**

**Protiv osumnjičenog:**

**MILE STOJANOVIĆA,** [REDACTED] **rođenog**  
**1952. godine, u Sarajevu,** [REDACTED]  
**državljanina Bosne i Hercegovine i Republike Srbije**  
[REDACTED]

**što je:**

Za vrijeme rata u Bosni i Hercegovini i oružanog sukoba između Armije RBiH i Vojske RS, od kraja maja 1992. godine do sredine juna 1992. godine, na području opštine Rajlovac, Sarajevo, kao komandir auto voda 1. Lake Rajlovačke brigade VRS (VP 1966 Rajlovac), kršeći odredbe člana 3., 27., 40., 42, 43, 51, 78, 85 i 147 Ženevske konvencije o zaštiti civilnih lica za vrijeme rata od 12. avgusta 1949. godine, člana 75. Dopunskog protokola I i članova 4., 5. i 17. Dopunskog protokola II uz Ženevske konvencije od 12. avgusta 1949. godine o zaštiti žrtava nemedunarodnih oružanih sukoba, učestvovao u nezakonitom zatvaranju i nečovječnom postupanju prema civilima bošnjačke nacionalnosti iz područja opštine Rajlovac, Sarajevo, tako što je, u periodu od početka od sredine juna 1992. godine, u svojstvu de facto i de iure upravnika zatočeničkog objekta koji se nalazio u dva hangara za naftu bivšeg "Energopetrola" u Rajlovcu, tj. nadređenog lica stražarima navedenog objekta, nad čijim radom i ponašanjem je vršio kontrolu i odgovornog lica za formiranje i funkcionisanje zatočeničkog objekta i obezbjeđenje života i fizičkog i psihičkog integriteta zatočenih lica, zajedno sa njemu podređenim stražarima navedenog zatočeničkog objekta, naredio, učinio, omogućio, dozvolio, saglasio se, pomagao u pripremanju i učinjenju:

a) nezakonitog zatvaranja oko 150 civila bošnjačke nacionalnosti iz područja opštine Rajlovac, M.Z. Ahatovići, M.Z. Dobroševići, M.Z. Bojnik, među kojima su: [REDACTED]

[REDACTED]

koje su krajem maja i početkom juna 1992. godine nezakonito lišili slobode pripadnici 1. Lake Rajlovačke brigade VRS i drugih jedinica VRS, iako su znali da za njihovo lišenje slobode ne postoji zakonski osnov i ne obaviještavajući ih o razlozima njihovog hapšenja, te sproveli u Rajlovac i zatvorili u zatočenički objekat koji se nalazio u dva hangara za naftu bivšeg "Energopetrola", u periodu od početka od sredine juna 1992. godine, i gdje je njihov prihvat i zatvaranje organizovao i preko njemu podređenih stražara sproveo upravo **Mile Stojanović**, iako je znao da ne postoji zakonski osnov za zatvaranje tih civila, koji nisu obaviješteni o razlozima njihovog zatvaranja, niti je pokrenut postupak za ispitivanje osnovanosti i zakonitosti njihovog zatvaranja;

b) nečovječnog postupanja prema oko 150 nezakonito zatvorenih civila bošnjačke nacionalnosti iz područja opštine Rajlovac, M.Z. Ahatovići, M.Z. Dobroševići, M.Z. Bojnik, koji su u periodu od početka od sredine juna 1992. godine držani u nehumanim, nehigijenskim, i ponižavajućim uslovima koji su se sastojali u mračnom, pretrpanom prostoru, koji je prethodno služio kao rezervoar za naftu i gdje su sjedili na hladnom podu, lišeni mogućnosti obavljanja osnovnih životnih potreba kao što je odgovarajuća ishrana, voda za piće, higijena, medicinska briga, te su svakodnevno, od strane neindetifikovanih pripadnika VRS i drugih lica kojima su, **Mili Stojanoviću** podređeni stražari, uz njegovo znanje, pristanak ili saglasnost, omogućavali i dozvoljavali slobodan ulazak i nesmetan pristup zatočenim civilima, između ostalih, [REDACTED] koji su u zatočeničkom objektu, prilikom izvođenja ispred zatočeničkog objekta ili odvođenja na ispitivanje i prinudne radove, podvrgnuti nečovječnom postupanju i različitim oblicima fizičkog i psihičkog zlostavljanja i ponižavanja, na način da su udarani rukama, nogama, gumenim palicama, kundacima pušaka, po cijelom tijelu, od kojih udaraca su trpili jake tjelesne i duševne bolove, dok je [REDACTED], izveden u noći 10/11.06.1992. godine od neindetifikovanih vojnika VRS iz zatočeničkog objekta i odveden na nepoznatu lokaciju gdje je fizički i psihički zlostavljan nekoliko sati, nakon čega je, pretučen i u teškom stanju, u ranim jutarnjim satima vraćen u zatočeničku prostoriju, u kojoj je ubrzo umro, a [REDACTED], izveden oko 03.06.1992. godine od strane nepoznatih vojnika VRS iz zatočeničkog objekta i odveden 10-15m od ulaza u objekat, gdje su ga navedeni vojnici tukli rukama, nogama, drvenim letvama po cijelom tijelu, od kojih udaraca je podlegao, nakon čega je njegovo tijelo odvezeno u nepoznatom pravcu i nikada nije pronađeno;

c) nečovječnog postupanja prema civilima bošnjačke nacionalnosti koji su bili zatvoreni u periodu od početka do sredine juna 1992. godine u zatočeničkom objektu koji se nalazio u dva hangara za naftu bivšeg "Energopetrola", koji su, po naredbi ili uz znanje, pristanak ili saglasnost **Mila Stojanovića**, odvođeni od stražara iz zatočeničkog objekta ili vojnika VRS na prinudni rad na prve borbene linije za potrebe Vojske RS, gdje su izloženi smrtnoj opasnosti, pa je tako dana 12.06.1992. godine po naredbi **Mila Stojanovića** iz velikog hangara izvedeno oko 20 lica, među kojima su [REDACTED]

[REDACTED] i odvedeni na Žunovnicu gdje su obavljali prinudne radove za potrebe VRS, kojom prilikom palo nekoliko granata u neposrednoj blizini zatvorenika, od kojih je poginuo

[REDACTED], dok su ranjeni [REDACTED]

***Čime bi:***

počinio krivično djelo Ratni zločin protiv civilnog stanovništva iz člana 173. stav 1. tačka c) i e) Krivičnog zakona BiH, u vezi sa članovima 29, 30, 31 i 180. stav 1. i 2. istog zakona, i to radnjama:

Pod tačkom a) - protivzakonito zatvaranje

Pod tačkom b) - nečovječno postupanje

Pod tačkom c) - nečovječno postupanje

**Tužilac Tužilaštva BiH**